

昨
非
庵
日
纂

昨非菴日纂三集惜福卷之九

閩中昨非居士鄭瑄漢奉甫輯
溫公眞率之會。僕不過五子。瞻養福之箴。餽止
用三。山谷五觀。自節敬軒。隻雞畱餽。魏文靖
之一肉一菜。不爲儉。張莊簡之不擡飯。不宰
牲。以爲酣匪直存澹薄。而可久。亦將矯奢靡
而防貪。

英宗謂李賢曰。朕視朝退。則朝母后。畢復親

政務既罷。進膳。飲食隨時。未嘗揀擇。去取衣服亦隨宜。雖著布衣。人不以爲非天子也。董朴成進士後。差過岳州。聞劉忠宣宅。憂在里。造謁焉。忠宣畱之飯。飯麥糲饌。惟糟蝦一器。朴感省。終身持雅操。視昔胡紘。謙朱晦翁。無隻雞斗酒之供。釀成僞學之禁。相去何如哉。凡生於富貴之家。子弟已享用太過。苟能抑畏節省。只守布衣菽粟之分。一意存心讀書。與

貧苦書生更加倍精進。卽妻室亦不要聽他。搜求珠翠。衣被文錦。糜費金銀。亦如百姓家。婦女用力用勞。則後來還可增益顯達。如不知止足。徒于軀殼口舌上爭華侈。甚至踰越法禮。毀亂性真。戕賊身命。僮僕隣里。先從旁竊笑之。況天地之高明。鬼神之正直。宗親之衆多。祖父之尊嚴。有不賤而惡之。災而禍之者。鮮矣。

胡壽安初任信陽調獲鹿永樂中任新繁在官
未嘗肉食其子自徽來省居一月烹二雞胡
怒曰飲食之人則人賤之矣吾居官二十餘
年嘗以奢侈爲戒猶恐弗能令終爾好大嚼
如此不爲吾累乎

唐有淨尼出奇思以盤釘簇成山水每器占朝
加圖中一景人人多愛玩至腐臭不食吳越
戚里孫承祐者豪侈炫俗用龍腦煎酥製小

樣驪山水竹屈木橋道人物纖悉具備所謂
刻冰鏤脂之技以博人俄頃嗟賞愚矣

荊州衣冠之藪人言琵琶多於飯甑措大多於
鯽魚武林繁庶人言日用千豬萬米丈二研
捶又自西湖爲銷金渦以其歌舞費日消千
金也

永樂甲戌二月 上退朝坐右順門所服裏衣
袖敝垢納而復出侍臣有贊聖德者 上歎

日○朕○雖○日○十○易○新○衣○未○嘗○無○但○每○日○自○念○當○
惜○福○故○每○浣○濯○更○進○昔○皇○妣○躬○補○葺○故○衣○
皇○考○見○而○喜○曰○皇○后○居○富○貴○如○此○勤○儉○正○
可○爲○子○孫○法○故○朕○嘗○守○先○訓○不○敢○忘○

飲○酒○達○鳴○雞○嬌○艷○芙○蓉○褥○日○脯○繫○裙○帶○歡○樂○恨○
不○足○供○帳○拂○雕○鞍○演○妓○流○觴○曲○晝○夜○恁○茫○茫○
錢○齡○尚○嫌○促○

古○人○太○違○時○今○人○太○趨○時○袖○綏○小○綏○大○巾○綏○短○

倏高衣帶之潤幾如領扇骨之長幾如笏非
服妖而何此風流子弟市井惡少所創爲而
縉紳學較翕然宗之無識甚矣

余嘗入會稽探禹穴止一僧寺其寺諸生借寓
讀書者十餘人余輩所見會食俱用菜腐旬
日或設醢魚不知有肉味也而江右士大夫
居顯官亦不忘貧賤呼蔬菜曰舊朋友可羨
可羨

入百錢。費不百錢。守已樂同富足。進萬鎰。出逾萬鎰。求人苦倍饑寒。

姚希得知靜江官署。舊以錦爲幕。希得曰。吾起家書生。安用此。命以布易之。日惟啖菜。一介不妄通也。

貝恒爲東河令。今在官。雖小物必思及民。營繕有餘。棄廢鐵。敗皮朽索。故紙之類。悉存之。工匠閒暇。令煮皮爲膠。鑄鐵爲杵。搗紙索爲襪。貯

之庫會 車駕巡幸北京勅使督建席殿所
貯悉濟急用而民不費

魏中孚爲永州判官清潔自好同官有與製器
用之物中孚未能無意每欲爲之先令匠作
者計工用若干貲各具公私之數呈報判以
且休且休及解官簡一任所供且休且休錢
不知省幾千百緡

張載嘉祐初爲雲巖縣令歲歉家人惡米不鑿

將春之先生亟止之曰。餓殍滿野。雖蔬食且自愧。又安忍有擇乎。甚。或咨嗟對案不食者數四。

張宗伯天駿居東門外三里橋。郡公訪之時已及午矣。公曰。寒家離城遠。親友至者必畱午飯。然止肉腐而已。老公祖下顧。須宰一雞。幸勿訝其菲。郡公忻然飽去。世兩高之。

蔡公龍陽歷宦三十餘年。始一歸省。食淡衣素。

無異寒儒。後晉南少司馬歸。見市上有賣鱖魚者。偶向僕言之。其子烹以進。公大怒曰。此時魚價必高。窮口腹若此。非與吾共守家業者也。棄不食。

勤儉箴云。人生天地間。富貴誰不欲。已力不經營。日用安能足。成立最艱難。破蕩真迅速。貧窮因懶惰。借貸遭恥辱。儉用勝求人。奢麗莫隨俗。男若勤耕種。饑不愁穀粟。女若攻紡績。

寒不慮衣服。勿謂長少成。光陰如轉軸。男大
婚。事迫。女大嫁。期促。雙親有老病。百費相繼。
續臨期。欲副用。閒時須積蓄。勉旃復勉旃。慎
勿憚勞碌。

每見巨室豪家。賓朋宴集。歌舞盈前。堂帷隔於
一簾。喧笑徹於內外。匪第過侈。深恐踰閑。濫
觴滋蔓。更不忍言。

章文懿嘗言。學者奉身不可好華侈。苟好華侈。

必致貪得他日居官決不能清白。

朴和靖隱居孤山種梅三百六十株梅熟售價一株作一封供一歲之用又有一禪僧種芋三百六十科日用足以給食尤省而易辦夫口腹之欲何窮之有每加節儉便覺有餘貧不貌富可以長貧牽裾肘見納履踵見不爲友愧殺雞飼母摘蔬飼客不爲客愧夫惟不愧乃見古人風格之妙近世士憑陵意氣塗

飾耳目。貧于家。不貧于身。貧于親。不貧于賓。
謂不露寒酸本色。能自拔俗。而其末難持。恐
不能不別開徑竇。

昔人請客。東以具饌二十七味。客至。則惟煮韭
炒韭薑醋韭耳。客曰。適云二十七味。何一菜
乎。主曰。三韭非二十七耶。錢穆父嘗請東坡
食。鼎飯子瞻以爲必精潔之物。至則飯一盂。
蘿蔔一碟。白湯一盞。坡笑曰。此三白之爲鼎。

耶相對閔然。三韭三白。可爲絕對。

范氏自文正公貴顯。以清苦儉約稱于世子孫。皆守其家法。忠宣正拜後。嘗畱晁美叔同七箸。美叔退。謂人曰。丞相變家風矣。或問之。晁答曰。塩豉棊子上有肉。兩簇豈非變家風乎。聞者大笑。

天寶中。諸貴戚競以進食相尚。玄宗命宦官姚思藝爲進食使。水陸珍饈數千盤。一盤費中

人十家之產。嗟夫。漢文帝欲作露臺。惜中人
十家之產。而不爲。而玄宗以一盤之奉費之。
末年失國。出奔至咸陽。日中猶未食。楊國忠
市胡餅以獻。民始獻糲飯。雜以麥豆。皇孫爭
以手掬食之。須臾而盡。猶未能飽。至相視而
泣。前日進食。使何在乎。天子不能無暴殄之
報。而況於人乎。

文帝時有獻千里馬者。文帝曰。鸞旗在前。屬車

在後吉行日五十里。師行三十里。朕乘千里馬。獨先安之。於是還其馬。與道里費。下詔曰。朕不受獻。其令四方毋復來獻也。

見在之祿。積自我祖宗。受享不可過盡。將來之福。貽與爾子孫。節約嘗使有餘。

其夫好飲酒。其妻必貧。其子好臂鷹。其家必困。利養一僕。日飯三甌。歲計千甌。率是則必告乏。而聚怨。病在于增。不在于損。

人生未老而享既老之福則終不得老未貴而享已貴之福則終不得貴

喃喃錄云先府君以入座家居一敝袴十年不易綻補幾無完處朱少傅衡嶽里居侍養官已三品客至或身自行酒近時貧士偶躡科名輒暴殄天物窮極滋味服飾起居無不華煥相衣褻服紅紫爛然至於梳頭裹腳亦使童奴代爲不知閒却兩手何用如此舉止名

位安得尊崇。壽命又安得長。永一葉之舟。載得幾許物事。

今寒士一旦登第。凡與馬僕從。飲食衣服之數。卽欲與膏粱家爭爲盛麗。秋毫皆出債家。謁選之官。債主卽隨之而至。非盜竊帑藏。腹剝間閭。何以償之。及其罷官歸休。則恣橫於鄉黨。居閒請託。估計佔奪。無所不至。安得國有廉吏。鄉有端人。昔人言受恩多。難以立朝。吾

亦日舉債多難於立身。

家本農桑。雖宦達。當記得先人櫛風沐雨。世守耕讀。縱富貴。莫忘却平日淡飯黃齏。

儉之一字。衆妙之門。無求於人。寡欲於己。可以養德。淡泊明志。清虛毓神。可以養志。刻苦自勵。節用少求。可以養廉。忍不足于前。畱有餘于後。可以養福。

天下生齒日繁。卽以吾族計之。國初始祖。僅一

人今男女且萬指相距未三百年已千倍於
曩時。然而山川土田如故。所產之毛。不增于
前也。而取以供千倍之衆物焉。得不盡人焉。
得不窮。况又益之以侈靡。以宮室。曩樸斲。今
雕鏤矣。以衣服。曩疎布。今錦綺矣。以飲食。曩
奉賓客。多不過六餽。今至加邊無算矣。其此
一物也。向一人享之。加樽縮焉。今千人共之。
加屑越焉。卽神運鬼輸。且不能給。此取求所

日錄三集
以日急而盜賊所以日繁也。

貪得者無厭。總是一念好奢所致。若是恬淡知足。要世間財利何用。清風明月不用錢。竹籬茅舍不費錢。讀書談道不求錢。潔已愛民不要錢。濟人利物不餘錢。如是存省則世味脫然。貪心又何自而生乎。奢華損德。奢華折福。奢華害人。戒之哉。

受些窮光景。每事節省儘過得。凡臨事著一節。

字○便○壞○自○身○享○用○着○一○苟○字○便○安○吾○一○生○于○
此○得○力○

佛○典○言○思○惟○此○食○墾○植○耘○除○收○穫○蹂○治○舂○磨○淘○
汰○炊○煑○乃○成○用○功○甚○重○計○一○鉢○之○飯○作○夫○流○
汗○集○合○量○之○食○少○汗○多○

海○瑞○晉○南○冢○宰○以○幣○物○賀○者○俱○不○受○投○名○紙○用○
紅○者○亦○以○爲○侈○而○惡○之○鄒○元○標○以○青○蚨○三○十○
文○入○賀○出○諸○袖○中○海○見○之○喜○曰○如○此○方○是○受○

之。過數日置酒酬鄒。惟餽四孟。市餅一盤。酒
數巡而已。

昨非菴日纂三集汪度卷之十

閩中昨非居士鄭瑄漢奉甫輯

李翰林昉其父文正公秉政時避嫌遠勢出入
僕馬與寒士無辨一日中途逢文正公前驕
不知其爲公子也遽呵辱之是後每見斯人
必自隱蔽恐其知而自愧也

方謹言爲侍御史時丁謂貶遣謹言籍其家得
士大夫書多干請關通者悉焚之不以聞世

稱其長者。

仁人心地寬舒。便福集而慶長。事事成。個寬舒。
氣象鄙夫念頭迫促。便祿薄而澤短。事事得。
個逼促。規模韓魏公自言其生平未嘗見一。
不好人。可想其浩蕩境界。

倪元鎮既却張士信之請。一日士信與諸文士
遊太湖。聞小舟中有異香。士信曰。此必一勝
流。急傍舟近之。乃元鎮也。士信大怒。卽欲手

外之。諸人力爲營救。然猶鞭元鎮。元鎮竟不吐一語。後有人問之曰。君被士信窘辱。而一語不發。何也。元鎮曰。一語便俗。

晉王藍田與謝無奕。以事不相得。謝性麤強。自往數藍田。肆言極罵。藍田正色面壁。不敢動。半日謝去。良久轉頭問小吏曰。去未。荅云已去。然後復坐。

樊伯叛吳主權。召問潘濬。濬請五千兵足成擒。

吳主曰卿何輕之曰。仙昔嘗爲州人設饌。比至日中。食不可得。而十餘自起。此亦侏儒一節之驗也。漭往果擒之。

步騭避亂江東。與廣陵衛旌相善。俱以種瓜自給。會稽焦征羌郡之豪族。騭與旌寄食其地。懼爲所侵。乃共脩刺。奉瓜以獻。征羌方內隊。駐之移時。旌欲去。騭止之曰。本所以來畏其疆也。今去以爲高。祇取怨耳。良久。征羌開牖。

見之。隱几坐帳中。設席坐。鴈旌于外。旌愈恥之。鴈辭色自若。征自享大案。殺膳。鴈旌惟菜茹。旌不能食。鴈極餐致飽。乃辭出。旌怒曰。能忍此乎。鴈曰。吾貧賤。故主人以貧賤遇之。固其宜也。當何所恥。後鴈爲相。而旌卒以無聞。蓋士之致遠者。其器識必與凡庸迥異矣。

陳恭公素不喜歐陽公。知陳州時。公自穎移南京。過陳。拒而不見。後公還朝。作學士。陳爲首。

相公遂不造其門。已而陳出知亳州。罷使相。公當艸制。陳自謂必不得其美辭。至云杜門却掃。善避權勢。以遠嫌。處事執心。不爲毀譽。而更變。陳大驚喜。曰。使與我相知。深者不能道此。予錄一本。寄其門下客李中師。曰。吾恨不蚤識此人。

胡東洲提學兩浙時。有士子不帥教。懲以夏楚。明年其人及第翰苑。東洲以述職到京。其人

設席款之。以新得古哥窑盤盞行酒。且曰。器世所寶。但俗眼不識耳。應曰。以老大親之。此器脆薄易破。不若良金美玉之器可無憂也。其詞嚴而不迫。聽者安得不慚。

張思叔繹詬詈僕夫伊川曰。何不動心忍性。思叔慚謝。

佛言重以惡來者。吾重以善往。福德之氣嘗熏此也。白沙詩曰。若無天度量。爭得聖胎成。

仁軌曰。終身讓路。不枉百步。終身讓畔。至孝
一段。諺曰。忍事敵災。星又曰。戒酒後。諸事
時。與忍難。忍事順。不明人內典曰。忍。舍身事
嘿。定千差。尤。槩括奧妙。

陳鎬督學山東。夜至濟陽公館。庖人供膳。忘置
箸。恐怒責。請啓門外索。公弗許。庖人乃剖柳
條爲箸。公曰。臘與食孰重。竟不夜餐。啖菜數
枚。

嘉靖初言官聯疏劾梁文康假宸濠護衛兵公
不辯。惟曰。余只致仕去已矣。不論衛兵事。緣
也。久之始知主其事者楊石齋。

李春芳廷試後。同志集飲。適某堂上遣官至。延
入內與語。而別人皆知來報臚傳之信。賀之。
李坦然曰。謂拙卷亦與進呈之列耳。神色不
動。

程皓性周慎。不談人短。每於儕類中。見人有所

言○未○曾○應○對○候○其○言○畢○徐○爲○辯○曰○此○皆○衆○人○
妄○傳○其○實○不○爾○更○說○其○人○美○事○曾○於○席○坐○被○
人○酗○罵○席○上○愕○然○皓○徐○避○之○曰○彼○人○醉○耳○何○
必○與○言○

郭○子○儀○據○兵○方○鎮○嘗○奏○除○一○官○不○報○僚○佐○意○不○
能○平○子○儀○曰○自○兵○興○來○方○鎮○武○臣○多○跋○扈○凡○
有○求○朝○廷○曲○從○之○此○無○他○疑○之○也○今○子○儀○所○
奏○事○人○主○以○不○可○從○置○之○是○不○以○武○臣○相○待○

而親厚之也。諸君可賀矣。

裴行儉初平度支。遮旬獲環寶不貲。蕃酋將士
願觀焉。行儉因宴。徧出示坐者。有瑪瑙盤二
尺。文彩燦然。軍吏趨跌盤碎。惶懼叩首流血。
行儉笑曰。爾非故也。色不少怍。

神宗一日御垂拱殿。御衣有蟲。自襟沿至巾。帝
拂之至地。亟曰。此飛蟲也。

劉莊襄公天和總制三邊時。馳健卒取其孤孫。

暨一孤侄。無干任。過華州。僕夫偶篋門役。役者庸懃。守怒弗爲禮。封扃其門。卽薪米不爲供。二孤至。饑渴甚。令從者竊踰垣。乞食素所知家。微遜去。守隨投牒公所。備陳縱僕虐門役狀。二孤抵任。則環公夫人泣訴。爲守苦。夫人甚心憐之。未幾。守以事謁公。家衆跂足側窺。計必督過。守公乃禮遇有加。後復特薦其賢能于朝。

一士人嘗動氣責人。王陽明憊之曰。學須反己。勿徒責人。能反己。方見己有許多未盡處。何暇責人。舜能化象。其機括只是不見象的。不是若要正他。姦惡則文過掩慝。乃惡人嘗態反去。激他惡性起來。如何感化得他。若能於己用功。則惡人自化。何動氣之有。

嘗觀山勢高峻。直截生物。必不暢茂。其勢奔赴溪谷。合轉回環者。艸木必蕃。蓋高峻者氣散。

難聚。故生物力薄。回環者。元氣蓄藏獨多。故
生物力厚。水亦然。灘石峻。則水急。而魚鰲不
留。淵潭深。則魚鰲之屬聚焉。以是驗人。其剛
急淺露者。必不能容物。作事亦輕易寡成。寬
緩深沉者。於物無所不容。作事則安重有力。
善學者。觀山水之間。可以進德矣。

唐皇甫湜。恃才傲物。爲郎時。乘酒使氣。忤同列。
及醒。不自過。求分務東洛。值伊瀍歲歉。餒殍

困悴且甚裴度時保釐洛宅辟爲畱守府從事度脩福先寺將致書白居易爲碑湜在座大怒曰近舍湜而遠就居易何也度婉辭謝曰初不敢以仰煩長者慮爲大手筆所拒今旣爾是所願也湜卽請斗酒飲酬立就度贈車馬繒綵甚厚湜叱使者曰自吾爲顧况集序未嘗許人今碑字三千字值三縑侍中何遇我薄耶度卒如數酬之湜嘗爲蜂螫指購

小兒斂蜂擣取其液一日命子錄詩一字誤
詬躍呼杖杖未至嚙臂血流其暴戾若此故
雖爲文古雅而舉世薄之

觀世間極惡事則一肯一慝儘可優容念古來
極冤人則一毀一辱何須計較

釋迦蒙詆調達何尤凡夫仲尼見毀叔孫寧論
中士太虛無物隨他把火燒空群小流言任
彼彎弓射影

羊侃南還至漣口。遇友張孺才。置酒舟中。孺才醉後失火。延燒侃十餘艘。燔金帛不可勝數。侃怡然不介意。孺才慙懼自遜。侃慰使還。待之如故。

處家制事。遭一番魔障。益長一番練達。御人接物。容一番橫逆。益增一番器度。此皆動心忍性。成身成德之境。不可輕易視過。

細觀理亂。繩知性躁者之害事。

自家好處要掩藏幾分。這是涵蓄以養深。別人
不好處要掩藏幾分。這是渾厚以養大。

陸昭符郡刺史。一日坐廳事。雷雨暴至。電光如
金蛇繞案。左右皆震仆。昭符自若。撫案叱之。
雷電忽散。得鐵索重百斤許。徐命納庫中。人
服其雅重。

當繁迫時。使聾聵人。值追逐時。馳瘦病馬。對昏
殘燈。理爛亂絲。而能意念不焦。聲色不動。亦

不○後○事○者○其○才○器○真○不○可○及○

張九齡以功名忠義奮振一時可謂君子矣然
或者謂其處士大夫之有幸者必致窮絕之
地以故一念不洪遂至無嗣人心不可蹊刻
如此

費禕當魏軍次興平禕督師往禦光祿大夫來
敏至禕許別就求圍棋于時羽檄交馳嚴駕
已趨禕從容對奕無厭倦意敏曰卿試解耳

信○自○可○人○必○能○辨○賊○

鍾離牧居永興躬自墾田種稻二十餘畝臨熟
縣民有識認之牧曰本以田荒故墾之耳遂
以稻與縣人縣長聞之召民繫獄欲繩以法
牧爲之請長曰君自行義事僕當以法率下
何得衆公憲而從君耶牧曰此是郡界緣君
意願故來暫住今以少稻而殺此民何必復
留遂出柴還山陰長自往止之爲釋繫民民

慚懼○率妻子春所取稻○得六十斛米送還牧○牧閉門不受○民輸置道旁○莫取者○

吳良以清白守正○稱為郡議曹掾○正旦掾吏入賀○門下掾王望舉觴上壽曰○齊郡遭罹盜賊○今明府視事五年○家給人足○良跪曰○門下掾佞諂○明府勿受其觴○盜賊未盡○人庶困乏○今良為議曹掾○尚無袴望曰○議曹情竅自無袴○寧是為不家給人足耶○太守以良言是○賜良

雙魚百枚

張莊懿公瑩爲南京叅贊時有妄少年醉輒侮罵人市之人不堪也會公出少年飲旣醉衆紿之曰而能奪取尚書藤不能不得謂而豪少年踉蹌當前導掣公一藤去公不問明日酒旣醒視之則尚書藤也怖欲死乃自反接長跼以藤置其首候公於途俄傳呼尚書來則雙藤缺一矣公見跼者問故仍收其藤遣

之。

蔣給事性中清貧。刻厲家居。嘗駕一小舟入城。止帶村僕二人。遇潮落水。逆船不得進。遣二僕上岸。牽挽蔣自到舟尾。梢船適一糞船過。偶觸之。蔣本村樸。鄉人不知。大加窘辱。二僕厲聲言曰。此是蔣老爹。如何無禮。蔣罵家人曰。奴哄人。此處那得個蔣老爹。促家人牽船徑去。

宋南野琛爲御史。極有風裁。還家。家有牛蹊柳氏田。柳氏格殺牛。而遣其子弟誦毀君。勅家人無出與競。柳氏有狂子。醉罵良久。躍入水中。君使人援出之。易以已衣。迎至上。坐。謂曰。與而家世好。奈何以小忿墮之。呼牧牛兒鞭之數十。使人以肩輿送柳氏子歸。且謝其父老。其父老大慚。

忍辱撮要云。忍是快活路。世上少人行。舌柔密。

在口齒折只爲剛思量這忍字好箇快活方
片時不能忍煩惱日月長愚濁生瞋怒皆因
理不通休添心上餒只作耳邊風長短家家
有炎涼處處同是非無實相究竟總成空

臨江胡季山祖秘校與客圍棋有個惡聲相加
問之曰來算簿公曰少待未幾其人直前推
局大罵客不堪怒公詰曰想爾不欠租歛勾
簿乎曰然公卽取簿勾之仍與斗米遣焉還

至半途遇其妻抱子號哭而來問何以不死
卽言其故入門氣絕蓋服毒來也不忍禍立
見矣

沛公見秦宮室子女欲居之器亦小但肯從諫
亟還終有天下英布一見踞牀卽悔欲自殺
及得供御如漢王便大喜過望易歎易盈宜
其及矣

劉元城於殺已者鍾聲不聞軒鼻熟睡薛敬軒

縛手西市神色自若韓琦問誰殺我持吾頭
去三公顛沛時神閒意定如此卒亦未罹其
害

遇事而能靜能忍其人必福壽何者靜忍則思
慮宛曲而事必成酬應安閒而禍不作福壽
不亦宜乎先正有言凡矜色忌人麓疎執拗
及浮譽卽作沾沾之態小不堪卽呈忿忿之
色者皆薄命之人也蓋爲此等人事必不能

成禍必不能免。夫人而無成事之門。及免禍之道。非命薄而何。

凡有橫逆來侵。思所以取之之故。卽思所以處之之法。順而受之。不可便動性氣。故遭一番魔障。長一番練達。容一番橫逆。增一番器度。潘衡齋公一日乘肩輿出。輿人偶觸一狂生。狂生逐輿。設罵抵舍入廳。毀其椅而去。明日學師聞之。率狂生來請罪。先生曰。昨趾未曾出。

戶也。安得有謾罵而毀器者。謝學師送之。出狂生羞而欲死。

曹公時中。隣有悍生。脩其先世怨。以聖書公名於牛後。向其童而加撻。因極口肆詈。童歸以告公。徐曰。人詈我而若述之。是重詈我也。速往謝彼。無勞君齒頰。吾僕也不敢傳言。生不能難。然必欲逞志。乃已。公每於日小遷。則輒巾倚杖。獨立門屏。生脩尺一若爲候者。而中

則痛詆極毀。伺公出時。令人蹠上之。公不手。
日。候我童來。旣而從者至。命取火燔之。日知。
若主於我。無慰好言也。老年人不能荅聊自。
解耳。生媿而止。

張莊簡公悅。元旦拜竈。有家犬坐於竈上。衆大。
詫。公具冠服拜竈如故。未幾犬下竈遂死。衆。
又大詫。公亦如故。子孫問之曰。見怪不怪其。
怪自敗。

唐錢徽於穆宗時典貢舉四川節度使段文昌以書屬所善士於徽及榜出不預文昌私怨之。譖徽不公。徽坐貶。或謂徽當奏發其書。徽曰。事苟無愧。得喪一致。奈何奏人私書。

成祖一日得建文時群臣封事千通。命解縉等檢閱。凡言兵食事宜。畱覽其詞。涉干犯者悉焚。不問。因從容問縉及脩撰李貫等曰。詞涉干犯者。爾等宜皆有之。衆未對。貫獨頓首曰。

臣貫實未嘗有也。上曰：爾以未有爲美耶？食其祿，當任其事，獨無一言可乎？

光廟年十三歲講筵日，每閣臣一人入直看講，講案前有銅雙鶴，故事叩頭畢從銅鶴下轉東西面立。一閣臣誤出其上，光廟矚內侍曰：移銅雙鶴可近前，此衆皆歎服。

何武與戴勝不合，勝毀武於朝，武聞之終不揚其惡。而勝子賓客爲郡盜，逮繫廬江，勝自以

子必死。武平心出之。勝慚服。國朝指揮門達。構陷袁松。及松出獄。而達得罪。當遣戍。袁送之如故交。房景伯守清河。郡民劉簡虎。曾無禮於景伯。聞其臨郡。闔家逃之。景伯督縣屬追訪之。而署其子爲西曹掾。士大夫立身敦厚。處心和平。每事須出人。意表無令。小人之。心。可以相測也。斯善矣。

呂東萊曰。有盂孟之量。有池沼之量。有江海之

量有天地之量。雨瀑而沼溢。酒瀑而卮翻。踰其限而過其分。雖欲不滿。不可得矣。我不爲沼。何憂乎十日之霖。我不爲卮。何憂乎千釀之醴。吾以是知自期之不可小也。

丁仲衡爲主事時。御史張政過其門。適邏者來報聞。公失屣。今獲盜者。需公認。公曰。吾家未嘗失也。辭不往。政問故。公曰。時禁盜。屣者死。寧以吾屣不忍其死也。張歎曰。公仁人也。因

薦起爲御史

宋古成之。結廬羅浮。力學不倦。作詩多驚人語。
登梁灝榜第二。預聞之。有張某嫉居其上。名
成之飲。密置啞藥酒中。比黎明。臚唱成之。暗
不能應。上怒。扶出。或勸自明其事。成之曰。
司命有定。非人所能與也。衆服其量。

蘇魏公爲宰相。因爭賈易復官事。持未決。御史
楊畏論蘇故稽詔令。蘇卽上馬乞退。呂微仲

謂可見上辨之何遽去蘓曰宰相有一人言
便爲不當物望豈可更辨曲直宣仁力畱不
從

有人問呂榮公曰爲小人所詈辱何以處之公
曰上馬者知人與己本一何者爲詈何者爲
辱自然無忿心下馬者且自思曰我是何等
人彼是何等人若是答他與他一等如此自
處忿心自消

元祐時西邊儒帥有以威敵斥境請於公者忠
宣公荅曰大輅與柴車較逐鸞鳳與鴟梟爭
食連城與瓦礫相觸君子與小人鬪力不惟
不能勝兼亦不可勝不惟不可勝雖勝亦非
也儒帥大服

陳憲副伯獻稱林文安瀚曰賤者卽之不知公
貴卑者卽之不知公尊不肖者卽之不知公
賢且智非意相干者卽之始知公凜然不可

犯也。

陳鑑○王文○同掌內臺○凡入臺○陳或後至○王輒命
鳴鼓○集諸道御史升揖○一日陳先至○堂吏請
擊鼓○陳曰○少需○諸道咸不平○王至知之○曰○吾
在○陳公度中矣○

王忠肅召爲冢宰○舟次濟寧○都水主事法以先
後序過閘○雖貴官不得越人恠之○公曰○彼立
法安忍壞之○至○郎卽調爲考功○

張莊懿公○鑒巡按東省○初到臨清○偶酒家酒標
掣落其紗帽○左右失色○旦日州守縛此人待
罪○公徐曰○此是上司○過往處○今後酒標須高
掛○逕遣出○

嘉禾葉春○嘗爲府掾○後仕至叅議○宣德中○與太
理少卿熊槩○巡撫東南○一日同至嘉興公館○
槩痛笞郡吏○猶辱罵不已○葉從容謂郡吏曰○
諸兄當勉○某昔在此○喫了多少打罵○槩大赧○

蓋忘葉之爲吏也。

張鑒爲刑部尚書。有獄事須急報。夜坐秉燭。趣吏治文書。遲蚤朝奏。夜半書旣就。吏袖拂燭。覆於書。書不可奏。吏叩頭請死。公曰。悞耳。趣再書之。坐待怡然。竟曙不寐。

周叔夜元旦肩輿出市中。亾賴少年指先生曰。夫夫名爲舍者。吾試衆辱之。乃呼其名先生。歸而使人召之來。好論之。曰。若幸遇我。毋爲。

犯他冠蓋恐不汝宥也笑而遣之

吾松一老儒薛姓號河東貧而無賴謁無錫宮
室鄒氏自稱錢狀元師託以他往便履一呼
彼信禮之張筵相款未終適有報錢狀元至
此老起謂主曰吾當往其舟謁而偕來主唯
唯任其往卽以真情告之公欣然應曰此何
妨遂同往主迎之公執禮甚謹側坐談笑至
盡醉而終畧無可疑之色

羅洪先作鼎元時外舅會太僕趙告曰喜吾壻
幹此大事羅面發赤徐對曰丈夫事業更有
許大在此等三年一人奚足爲大事也是日
猶袖米偕何黃二公聯榻蕭寺中講學

洪武選蒸爲諸生時家有徭役謁令君求免不
許曰此戶易辦其秋武選舉于鄉令君歌鹿
鳴以宴舉者次第行酒至武選武選逡巡避
席曰別戶易辦酒戶故難堪也令君媿形于

色同舉薄之後成進士竟卒於武選

凡脾位好處百物通喫得去見天下人可惡可
惱處多必其脾位有不受者也我無知無能
同于渾沌是謂真土第一補脾聖藥也

聖人見人皆聖人也賢人見人或賢或不肖不
肖人見人則皆不肖矣袁中郎言譬如人脾
氣強盛者蔬糲亦皆甘美否則美者惡甘者
苦至於敗壞之極雖珍滑之物亦不復能可

於口矣。真善喻也。

宋栗菴總爲吏部尚書。至長安街有老婦著面
衣乘驢不下。從者誤爲男子阿之。老婦大詬
曰。我住京師五十餘年。見了千千万萬希罕
你這蟻子官兒。宋至部語同僚笑曰。官亦不
蟻子矣。此婦人眼孔大。所謂見慣不驚事也。
若深山窮巷人。見一頂紗帽。便戰慄失措。祿
緣經常少。眼界不寬。故學者先開拓胸次。

讓古人便是無志不讓今人便是無量

醫書言去病至七八分卽須止餘俟正氣復聽其自除若去病至盡卽正氣受傷國家治惡人革弊政正宜得此意從古以攻伐太甚致傷元氣本以求治而反至攘亂者往往而是士君子不得不執其咎也

宋胡肅端重淵涵客有造公者具公服鞞版而忘記不易帽公與之對語盡禮而退終未嘗

色動。

魏公潞公俱嘗鎮北門。魏公時朝城令決一守把兵士方二下輒悖罵不已。令以解府魏公使前問云汝罵長官信否。對曰當時乘忿實有之。公卽於解狀判處斬。從容平和畧不變色。潞公時復有解一卒猶前者潞公震怒同之。兵對如實。公亦判處斬。以此見二公之量不同。如魏公則彼自犯法吾何怒之。有不惟

學術之妙亦天資之高爾

堯夫疾革程伊川又問從此永訣更有見告乎先生舉兩手示之伊川曰何謂也先生曰面前路徑須令寬路窄則自無著身處況能使人行也

趙普秉政江南後主以銀五萬兩遺普普白太祖太祖曰此不可不受但以書荅謝少賂其來使可也既而後主遣弟從善入貢嘗賜外

密賚白金。如遺普之數。江南君臣。始震駭上之偉度。

呂端爲相。持重識大體。以清靜簡易爲務。每奏對。同列多異議。公罕所建明。一日內出手札戒曰。自今中書事。必經呂端詳酌。乃得聞奏。公讓不敢當。

王旦在中書。寇公在密院。中書偶倒用了印。寇公須勾吏人行遣。他日樞密倒用了印。中書

吏人呈覆亦欲行遣公問吏人汝等且道
院當初行遣倒用印者是否曰不是既是
是不可學他不是

宋彭思永始就舉時貧無餘貲惟持金釧數隻
棲於旅舍同舉者過之衆請出釧爲翫客有
墜其一於袖間者公視之不言衆莫知也皆
驚求之公曰數止此耳非有失也將去袖釧
者揖而舉手釧墜於地衆服公之量

胸中不平輒要鳴。胸中有得輒要說。只是無量以容。

于東漢君子無所容中。方見一黃叔度。于武后用法。湯沸火熱中。方見一婁師德。平時言德。字寬洪。亦難以指名。非有養者。不能至此。

處世不可太生揀擇。麒麟鳳凰虎豹蛇蝎。蕃然竝生。只如一身清濁。竝蘊若洗腸滌胃盡去。濁穢只畱清虛。便非生理。

自○已○杜○門○嫌○人○出○路○自○已○絕○滴○怪○人○添○杯○自○已○
吃○素○惱○人○用○葷○只○是○胸○中○欠○大○